



Aningaasaqarnermut Akileraartarnermullu Naalakkersuisoq

Ulloq: 30. juni 2025
J.nr.: 01.31.06/25-01138

**Aningaasaqarnermut Akileraartarnermullu Ataatsimiititaliap ataasinngornermi ulloq
30. juni 2025-mi aalajangiineranik Naalakkersuisunut ilisimatitsineq.**

**Suliassaqaarfimmi 20.30 Aningaasaqarnermut Sulisoqarnermullu Aqutsisoqarfik, ASA
aningaasaliissutinik aaqqiineq pillugu missingersuutitut sunniuteqanngitsumik
ilassutitut aningaasaliissut. Ataatsimiititaliap suliaa nr. 1.31.06/25-01138.**

”Naalakkersuisut inassutigaa,

- Kontu pingaarnermut 20.30.01 Aningaasaqarnermut Sulisoqarnermullu Aqutsisoqarfik, ASA-mut aningaasaliissutit 800.000 kr-nik appartinneqassasut.
- Kontu pingaarnermut 20.30.10 Illuutini ingerlatsineq aserfallatsaaliuinerlu aningaasaliissutit 800.000 kr-nik qaffanneqassasut.”


Aningaasaqarnermut Ataatsimiititaliap oqaaseqaatai apeqquataalu

Suliassap matuma Aningaasaqarnermut Akileraartarnermullu Ataatsimiititaliamut nassiunneqarneranut, naak nikisitsinerup nammineq akuerinissaanut tunngavissaqaraluarlutik, Naalakkersuisut tunngavilersuutaattut siusinnerusukkut suliassamut allamut Naalakkersuisut innersuussipput. Tamatumani ataatsimiititaliap Naalakkersuisunut kaammattuuteqarpoq suliassaq taaneqartoq Aningaasaqarnermut Akileraartarnermullu Ataatsimiititaliamut akuerineqartussatut nassiutequllugu. Ataatsimiititaliap Naalakkersuisut eqqaasitsissutigissavaa ataatsimiititaliap taamanikkut kaammattuutaa taamaallaat pissuteqarmat 2025-mut aningaasanut inatsisip akuersissutigineqarneranut atatillugu aningaasanut inatsit pillugu isumaqatigiisummi erseqqissummik oqaatigineqarmat sipaarniutini timitaliinerit Aningaasaqarnermut Akileraartarnermullu Ataatsimiititaliamut akuerineqartassasut.

Aningaasaqarnermut Ataatsimiititaliap aalajangernera

Siuliani oqaaseqaatit tunngavigalugit Aningaasaqarnermut Akileraartarnermullu Ataatsimiititaliap Naalakkersuisunit matumani inassutigineqartut **akuerineqarnissaat pisariaqartutut isiginngilaa**, Naalakkersuisummi tunngavissaqareermata nikisiterinerit kissaatigineqartut nammineq akuerinissaanut.

Inussiarnersunik innulluaqqusillunga



Erik Jensen

Aningaasaqarnermut Akileraartarnermullu Ataatsimiititaliap siulittaasua